

東漢文鑑

東

風

文

館

東漢文鑑卷之三

光武朝

正前史得失論

班彪

出本傳彪才高好述作遂專心史籍
之間司馬遷史記自太初以後闕而
不錄彪乃採前史遺事傍貫異聞作
後傳數十篇因斟酌前史而譏正得
失其略論云

唐虞三代詩書所及世有史官以司典籍暨於
諸侯國自有史故孟子曰楚之檇杭晉之乘魯
之春秋其事一也定哀之間魯定公魯君子左

邱明論集其文作左氏傳三十篇又撰異同號
曰國語二十篇由是乘檣杙之事遂闡而左氏
國語獨章又有記錄黃帝以來至春秋時帝王
公侯卿大夫號曰世本一十五篇春秋之後七
國竝爭秦并諸侯則有戰國策三十三篇漢興
定天下太中大夫陸賈記錄時功作楚漢春秋
九篇孝武之世太史令司馬遷採左氏國語刪
世本戰國策據楚漢列國時事上自黃帝下訖
獲麟作本紀世家列傳書表凡百三十篇而十

篇缺焉

十篇謂遷歿後亡景武紀禮樂兵書將相年表三王世家曰者龜策傳新傳

從漢元至武則絕其功也至於採經摭傳分散

百家之事甚多踈略不如其本務欲以多聞廣

載爲功論議淺而不篤其論術學則崇黃老而

薄五經

遷序傳曰道家使人精神專一動合無形瞻足萬物此謂崇黃老也儒者博而

寡要勞而少功

序貨殖則輕仁義而羞貧窮

貨殖

傳序曰家貧親老妻孥子輒弱歲時無以祭祀飲

食被服不足自適如此不慙恥則無所比矣

俗功

游俠傳序曰李次原憲行君子之德義不苟合當世當世亦笑之終身空室蓬戶褐

衣疏食不饜今游使具行雖不軌於正義然其
言必信於行必果不愛其軀赴士之危蓋有足
多者今拘學或抱咫尺之義久狝於世此其大
豈若卑論儕俗與世沉浮而取崇名哉然
敝傷道所以遇極刑之咎也遷與任安書曰然

善述事理辯而不華質而不野文質相稱蓋良
史之才也誠令遷依五經之法言同聖人之是
非意亦庶幾矣序帝王則曰本紀公侯傳國則
曰世家卿士特起則曰列傳又進項羽陳涉而
黜淮南衡山謂著項羽本紀又陳涉無子孫相
當世家而若遷之著作採獲古今貫穿經傳至
列傳也

廣博也一人之精文重思煩故其書刊落不盡
尚有盈辭多不齊一若序司馬相如舉郡縣著
其字至蕭曹陳平之屬及董仲舒竝時之人不
記其字或縣而不郡者蓋不暇也今此後篇慎
覈其事整齊其文不爲世家唯紀傳而已傳曰
殺史見極平易正直春秋之義也

乞立東宮師保官

班彪

出本傳建武十七年封諸王十九年
建太子時東宮初建諸王國竝開而
官屬未備師保多闕
彪上言云帝納之

孔子稱性相近習相遠也賈誼以爲習與善人居不能無善猶生長於齊不能無齊言也習與惡人居不能無惡猶生長於楚不能無楚言也是以聖人審所與居而戒慎所習昔成王之爲孺子出則周公召公太史佚入則太顛閎夭南宮适散宜生左右前後禮無違者故成王一日即位天下曠然太平是以春秋愛子教以義方不納於邪驕奢淫佚所自邪也

左傳大夫諫衛莊公之辭也

詩云詒厥孫謀以宴翼子言武王之謀遺子孫

也漢興太宗使鼂錯導太子以法術

錯上言曰今皇太子

讀書多矣而未知術數願陛下擇聖人誼教

之術以賜太子

令賈誼教

梁王以詩書

梁王誼傳好書故

及至中宗亦令劉向

王褒蕭望之周堪之徒以文章儒學保訓東宮

以下

宣帝使王褒劉向張子儁等娛侍太子朝夕讀誦望之為太傅堪為少傅莫不

崇簡其人就成德器今皇太子諸王雖結髮學問脩習禮樂而傅相未值賢才官屬多闕舊典宜博選名儒有威重明通政事者以為太子太傅東宮及諸王國備置官屬又舊制太子食湯

沐十縣設周衛交戟五日一朝因坐東箱省視膳食其非朝日使僕中允旦旦請問而已明不媒黷廣其敬也

漢官儀云云僕一人秩二千石中允一人四百石主門衛徼巡

乞優答北匈奴

班彪

出南匈奴傳建武二十八年北匈奴復遣使詣闕貢馬及裘更乞和親并請音樂又求率西域諸國與俱獻見帝下三府議酬答之宜司徒掾班彪奏云云帝悉納從之

臣聞孝宣皇帝勅邊守尉曰匈奴大國多變詐交接得其情則却敵折衝應對失其數則反爲

輕欺今北匈奴見南匈奴來附懼謀其國故數
乞和親又遠驅牛馬與漢合市重遣名王多所
貢獻斯皆外示富彊以相欺誕也臣見其獻益
重知其國益虛歸親愈數爲懼愈多然今既未
獲助南則亦不宜絕北羈縻之義無不答謂可
頗加賞賜略與所獻相當明加曉告以前世呼
韓邪郅支行事

呼韓稱臣受賞郅支背德被誅以此曉告之也

報答之

辭令必有適今立橐草并上曰

單于不忘漢恩追念先祖舊約欲修和親以

輔身安國計議甚高爲單于嘉之往者匈奴
數有乖亂呼韓郅支自相讎隙竝蒙孝宣皇
帝垂恩救護故各遣侍子稱藩保塞其後郅
支忿戾自絕皇澤而呼韓附親忠孝彌著及
漢滅郅支元帝時甘延壽發遂保國傳嗣子
孫相繼今南單于攜衆向南款塞歸命自以
呼韓嫡長次第當立而侵奪失職猜疑相背
數請兵將歸埽北庭策謀紛紜無所不至惟
念斯言不可獨聽又以北單于比年貢獻欲

修和親故拒而未許將以成單于忠孝之義
漢秉威信總率萬國日月所照皆爲臣妾殊
俗百蠻義無親疎服順者褒賞畔逆者誅罰
善惡之效呼韓郅支是也今單于欲修和親
款誠已達何嫌而欲率西域諸國俱來獻見
西域國屬匈奴與屬漢何異單于數連兵亂
國內虛耗貢物裁以通禮何必獻馬裘今齎
雜繒弓矢若干遺單于前言先帝時所賜等
瑟皆敗願復裁賜念單于國尚未安方厲武

節芋瑟之用不如良弓利劍故未以齎朕不
愛小物於單于便宜所欲遣驛以聞

日食論用人

鄭興

出本傳建武七年三月晦
日食興上疏云帝納之

春秋以天反時爲災地反物爲妖人反德爲亂
亂則妖災生往年以來謫咎連見意者執事頗
有闕焉按昭公十七年夏六月朔日有食之
爲六月於傳曰日過分而未至
夏爲四月
過春分而未至
及夏至也
辰有災於是百官降物
素服
君不舉
減盛
避移

時樂奏鼓

奏鼓伐鼓

祝用幣

用幣於社

史用辭

以自責也已上皆左

傳魯太史答李平子之詞

今孟夏純乾用事陰氣未作其災

尤重夫國無善政則謫見日月變咎之來不可
不慎其要在因人之心擇人處位也堯知鯀不
可用而用之者屈己之明因人之心也齊桓反
政而相管仲晉文歸國而任郤穀者是不私其
私擇人處位也今公卿大夫多舉漁陽太守郭
伋可大司空者而不以時定道路流言咸曰朝
廷欲用功臣功臣用則人位謬矣願陛下上師

唐虞下覽齊晉以成屈已從衆之德以濟羣臣讓善之功

論科禁不可復增

杜林

出本傳建武十四年有言古者肉刑嚴重則人畏法令今憲律輕薄故姦軌不勝宜增科禁以防其源詔下公卿林奏云帝從之

夫人情挫辱則義節之風損法防繁多則苟免之行興孔子曰導之以政齊之以刑民免而無恥導之以德齊之以禮有恥且格古之明王深識遠慮動居其厚不務多辟周之五刑不過三

千大漢初興詳覽失得故破矩爲圓斲彫爲璞
蠲除苛政更立䟽網海內歡欣人懷寬德及至
其後漸以滋章吹毛索疵詆欺無限果桃李茹
之饋集以成臧小事無妨於義以爲大戮故國
無廉士家無完行至於法不能禁令不能止臣
愚以爲宜如舊制不合翻移

乞立左氏博士

陳元

出本傳議欲立左氏博士詔下其議
博士范升奏左氏淺末不宜立元聞
之乃詣闕上疏云范升復與元
相辯難凡十餘上帝卒立左氏學